

D E

SVPPRESSIONE MENSIVM,

Q V A M,

Præside Deo Opt. Max.

Ex auctoritate Magnifici D. Rectoris,

D. JOHANNIS COCCII, in Inclytâ Lugd.
Batav. Academiâ Eloquentiæ & Historiarum
Professoris Celeberrimi,

N E C - N O N

*Amplissimi Senatûs Academici Consensu, & Almæ
Facultatis Medicæ Decreto,*

PRO GRADU DOCTORATUS

Summisque in MEDICINA Honoribus & Privilegiis ritè ac
legitimè capiendis,

Publico examini subjicit

JOHANNES ADOLPHUS REYNOLDUS Slesvicensis.

Die ^I/_{XI}. Ian. loco, horisque consuetis.



LUGDUNI BATAVORUM,

Apud Viduam & Hæredes JOHANNIS ELSEVIRII,
Academiæ Typograph.

clō lōc LXXVII.

V I R O
PERILLVSTRI ac GENEROSISSIMO DNO,
DOMINO
JOHANNI à THIENEN,
DNO IN WAHLSTORFF & BORCHORST,
SERENISSIMI CIMBRORUM, HOLSATORUMQUE
DUCIS REGNANTIS CONSILIARIO
PROVINCIALI.
E T
PRÆFECTO TUNDERENSI.
DOMINO ac PATRONO SUO
MAXIMO.



Hanc Disputationem Inauguralem

D. D. D.

JOHAN. ADOLPH. NEYNDORF.

DISPUTATIO MEDICA INAUGURALIS

DE

SVPPRESSIONE MENSIVM.

THESIS I.



ulier, teste Codice Sacro, à Conditore in solatium Viri creata, eique sociata torô & in mutuum auxilium tanquam in aliquod fidum & perpetuum commilitium adjudicata & adscripta, quamvis careat honoribus, functionibusque civilibus nec (liceat mihi uti verbis T. Livii Historiæ Romanæ Scriptoris luculentissimi) capiat magistratus, non sacerdotia, non triumphos, non insignia, non dona aut spolia bellica; munditiæ tamen illis contingunt, & ornatus & cultus. Hæc feminarum sunt insignia, his gaudent ac gloriantur. Corporis verò nobilitatem & eminentiam, non neglectis insignibus animi dotibus, indulgit Creator illis tantam, tam elegantem illis concessit & inæstimabilem venustatem, ut si totam compagem à vertice ad calcem curiosè perlustraveris, quin muliebri corpus longè præstantius & formosius Virili sis inventurus (verba sunt Celeberrimi Riolani) nullum dubium. Habet, inquit, Experientissimus Dnus Rollfinccius Præceptor olim meus Honoratissimus Dissertat. Anatom. lib. 1. Cap. 9. mulier corpus delicatissimum, carnem tenellam, cutim politam, cum luciditate niveam, fusca cum est, ceraforum instar stellantium, nihil ea excogitari potest gratiosius: Vide sis & sequentia, ubi præcipuas muliebris recenset corporis partes, suisque laudem exornat elogiis. Animi dotes, porrò idem inquit, in feminis magnæ & multæ, neque illas, quæ vitia sexus sunt, obscurant. Uti quoque non obstant, quæcunque vel Aristoteles, vel Galenus, vel Chrysippus, alique de feminarum imperfectione protulerunt, qui eas immeritò vocabulo naturæ παρεμβά-

σεως five prævaricationis incessere. Quin muliebre corpus perfectius virili esse probat ejus materia, ea quâ primò conflatum est: quæ non fuit informe & iners lutum, verùm nobilissima Adami viventis costa: & locus natalis, non obscurus & vilis, sed ipse, terrarum delitiæ, Paradisus. Atque has possidet mulier prærogativas à naturâ & hominum consuetudine concessas. Verum enim verò, quod de toto hominum genere Lyricorum Princeps Pindarus olim cecinit: ἐπάμεροι, π δε πς, π ᾗ ἔπς, σκιάς ἕναρ ἀνθρώποι. Pythior. 8. επ. ε. id jure merito etiam de Mulieribus, quamvis doctum cumulatissimis dici potest. Diariæ sunt, quid est quædam? quid est nulla, umbræ somnium mulier. Hæc est conditio illarum, ad has & ejusmodi conditiones est genita, ut perpetuò doleat, algeat, caleat. Obnoxia sint infinitis calamitatibus: imprimis tamen illis partibus, quæ mulieres propriè sunt, & dici merentur, gravissimis morborum ictibus patent, utrum intelligo; illum humanæ seminationis fertilem agrum, illum nostri promum condum, nostram communem patriam: qui mulieribus & ad purificationem & partum est bonus, sed morborum infinitorum malorumque acervum congerit teste Aretæo Medico Antiquo Lib. Z. Chronicor. Morbor. τῇδε γυνήξει (inquit) ὑπέστη ἀγὰθὴ μὲν ἐς κάθαρσιν καὶ πόσιν ἔσφυρσιν, ἀλλὰ καὶ ἐνὶ τῇδε κακὰ καὶ κακῶν. Hic lernam illis malorum producit, aliàs in momento è vivis abripiendo: aliàs per totam vitam torquendo: aliàs quamvis curabilibus, horrendis tamen & excruciantibus Symptomatibus objiciendo. E plurimorum horum malorum numero unum mihi hâc vice proposui enucleandum, quod circa Menses Tardantes illis accidit, quodque illas sæpius infestat, quam aliud ullum. De cujus Natura & Curatione proponam ea, quæ solers ratio & Medicorum sedula experientia hæctenus dictavit. Adsit numine suo J E H O V A!

II.

Suppressio Mensium est ex illorum affectuum numero, quibus nec Græci nec Latini peculiare imposuerunt nomen, sed usi sunt definitione pro definito: Qualis quoque alvi hepatisque obstructio, abolitaque deglutitio, aliique affectus, dicitur; Quam enim Græci indigitarunt, πλὴν τῶν ἐμμήνων ἐποχῶν, illam totidem verbis Latini vocarunt Mensium suppressionem, Menstrua suppressa vocat Cornel. Celsus, lib. 9. cap. 8. p. 73. Supprimere verò est propriè aliquid sub aliud premere & occultare: præsupponitque semper

per rem aliquam prius revera existentem. Nam quæ haut existunt, aut existere non solent, illa nec supprimi possunt dici nec occultari. Hinc patet, quibus mulieribus propriè dicantur Menstrua suppressi, & quibus non. Illis nempe supprimuntur, quibus revera fluunt, aut fluere adsolent aut fluxère. Non ergò supprimuntur Puellis pubertatis annos nondum ingressis, quia his nunquam fluxère, ideo quod his totus Sanguis in corporis convertatur incrementum, quibusque vasa præterea sanguifera sunt angustiora, nec sanguis adhuc fermentescibilis. Non Vetulis, quamvis his fluxerint olim, quod his sanguinis fermentatio sit ob decursum ætatis imbecillior, ob sanguinem minus fermentescibilem & veterascentem, unde hic generatur & parcius & debilius expellit. Non Prægnantibus, quibus sanguis in materiam foetus absumitur. Non Viraginibus, quibus à calidâ siccâ constitutione Menstrua absumentur. Non Lactantibus, quia his sanguis præcipitatur in lac, ut foetus extra uterum alatur eadem planè materia, qua in utero alebatur. Non Tabidis alioque gravi acuto vel Chronico Morbo obsessis, aut longa inedia, curis, mærore, labore, vigiliis, cogitationibus confectis. Non Exhaustis Alvi Profluvio, sudore, hæmorrhagiâ, quibus omnibus materia deest fluxionis. Uti neque illis, quibus aliquam ob causam nunquam fluxere, quod de mulieribus Indiæ Orientalis ut & Americæ, & de quibusdam rusticis nostratibus, quibus propter continuum laborem insolatumque menses haut solvuntur, scribit Francisc. Sanchez lib. 3. de Morbis Internis. His omnibus quandoquidem talibus nil incommodi à suppressione nec morbosa illis existat, Medicus non tantum operam suam ludit, sed & valdè nocet, si studeat provocare arte menstrua.

III.

Quibus autem fluere possunt & fluere solent Menstrua naturaliter, illæ sunt nempe in ætate florente collocatæ, quæ agere cœperunt, annum (quamvis Francisc. Sanchez Tolosæ in Gallia sæpe 18. aut 20. contingere anno multis prodat lib. 3. de Morb. Intern.) decimum quartum, quo tempore singularem feminæ subeunt mutationem in voce, colore & circa mammas: quæq; nondum sunt egres-
 annum quinquagesimum, ita ut cum tertio septennio incipiant & cum septimo plerumque desinant fluere Menstrua, quod verum est
 ὡς ὅτι τὸ πλὺ. Nam non desunt Historiæ Medicis, cum illarum quæ citius, tum quæ diutius hanc evacuationem sunt passæ, quod facit

cum temperamentum earum, tum victus ratio & vitæ genus, ipsaque, in quâ degunt, regio. Visæ sunt hoc tributum solvisse anno ætatis decimo: aliæ jam decimo tertio fuerunt Puerperæ. Celebrerrimus Fabricius Hildanus Colonia vidit puellam undecimo ætatis anno menstrua. Centur. 2. Observ. 60. ibidem Observ. 61. testatur vidisse Menstrua durasse ad 78. annum Centur. IV. Observ. 63. observavit ad 70. annum profluxisse.

IV.

Considerandæ hic quæstiones quædam occurrunt, Quare nimirum ante XIV. annum non profluant Menstrua? Hippocr. lib. de Genitura respondet. Venas esse nimis angustas. Capivaccius addit non generari ante hoc tempus superfluū Sanguinem ob nimiam humiditatem hujus ætatis, & præterea quod feminæ egeant copioso Sanguine ob augmentum: tum quod puellæ hoc tempore, assiduo moverentur, nimisque exerceantur. Mihi rectius hoc videtur deduci debere ex Fermento Uterino, quod hoc tempore nondum est satis adultum, potens & maturatum, sicut videre licet in fructibus horariis ante maturitatem suam, nullo modo fermentantibus, deinde quod in hac ætate sicut jam supra dixi, Sanguis ab humido valdè temperatus sit, nec tam potenter effervescat, sicut in matura ætate accidit. Quo respectu Poëta jure mihi videtur amorem vocasse Ignem, cum inquit,

Vulnus alit venis & cæco carpitur Igni.

Q. etiam, Quare non fluant Menstrua post annū 50? R. vulgò, quod calor langueat, cruditates vigeant: in ætate vero media generetur Sanguis, venæque sint amplæ. Verosimilius est Fermentum his periisse, quod media ætate maximè viget, neque tam potenter Sanguinem effervesce ob defectum particularum Salinarum, quæ in hac ætate succumbunt à copioso acido, terreno & fixo ligatæ.

V.

Vidimus, Quibus mulieribus menstrua supprimantur & quibus non. Sequitur perlustremus etiam Quid supprimatur: Hoc sunt Menstrua. Hæc ergò suppressionis objectum erunt.

VI.

Menstrua Græcorum consuetudine sunt dicta adjective; subintelligendo excreta sive Purgamenta, sive excrementa aut simile quid. Nam Coe. Seni 5. Aphor. 57. Καταμύα sicut 3. Aphor. 28. atque Lib. 5. Coac. tr. 3. t. 6. & c. 21. γυναικεία dicuntur, ubique
sub

subaudiendo *ἐπιτόματα*. Alias *ἐμύλωα* & *ἐμύλωια* audiunt parī vocis natura. Aræteo vocantur *Κάθαρχις*, Purgatio. Aliis quoque *ῥόδς ἐρυθρὸς*, ruber fluxus. Vulgo tempora, rosa muliebris, flores, sanguis maternus, malæ horæ promiscuè in pluribus linguis appellantur. Considerantur autem à Medicis in duplici statu, uno secundum, altero præter naturam. De priori statim, de posteriori mox dicam. In priori statu quando Medici considerant menses, octo potissimum in disquisitionem veniunt *i.* Quid Menses sint. *ii.* Ex quâ materiâ consent. *iii.* Quo tempore. *iv.* Quibus viis fluant. *v.* Quâ Quantitate. *vi.* In quem finem. *vii.* Quas bonitatis notas menstrui sanguis habere debeat. *viii.* Quibus signis cognoscatur eorum fluxus. De omnibus pauca & distincta quædam sed strictim proponere est animus.

VII.

Quid sint Menstrua, arduum haut est explicare, cum enim incurrant in sensus, visu, tactu, auditu sive relatu percipiantur, consent-que evacuatione rubicundi humoris, facile dicere licebit, excretionem Sanguinis esse: si præterea perpendamus Subjectum, sexumque cui accidit excretio talis, patebit, mulieribus illam fieri: si attendamus utrumque tempus, Universale scilicet & Particulare, deprehendemus mulieribus justæ ætatis singulis mensibus evenire. Si locum notemus excretionis, per uterum prodeunt: His si jungamus externa quædam, ne sint gravidæ, nec gravi aliquo morbo obsessæ, consequemur materiam talis Definitionis: Quod nempe Menstrua sint excretio Sanguinis, facta per uterum, in mulieribus justæ debitæque ætatis, singulis mensibus, modo ne sint gravidæ, & alias rectè valeant.

VIII.

Materiam pono Sanguinem, non vitiosum, quod probant corpora cachectica, in quibus hic fluxus deest, sed quantitate redundantem sola: qualitate verò laudabilem: qui in ista ætate non valet in nutrimentum corporis ablegari; vel potius propagandæ speciei gratia, hoc tempore à fermento jam maturo commovetur. Licet contrarium sentiat Capi-vaccius lib. iv. de Affectibus Uteri, secutus Avicennā, qui hunc sanguinē vocat excrementum supervacaneum, & in tres dividit partes: quarum duas facit benignas, tertiam malignam: Illarum prior, dicit, abit in Alimentum fœtus, altera matatur in lac: maligna, tempore partus expellitur. Quin unus substantiâ

substantiâ est hic & verus Sanguis. Si vitiosus evadit, fit hoc per accidens, ob admixta heterogenea. Quod verò hic Sanguis vinum corrumpit, fruges, fœfamenta, aliaque condita putrefacit, non propterea venenatus censendus: præstat enim hoc visui fermenti, quo illos liquores agitando & particulas eorum inter se committendo tandem ad destructionem perducit.

IX.

Causfa hujus fluxus efficiens est vel sola copia Sanguinis, vel simul quoque Qualitas ejus calida, acris, tenuis, oscula vasorum aperientis, vel peculiare fermentum Uterinum in vasis seminalibus contentum, quod Sanguini *παραδίδωται* largitur. Quo etiam pertinent uteri vasa cum suis poris & meatibus, eo tempore cum fluxus incipit, laxioribus & patentioribus. Non excludenda hic Bilis venit, quæ hoc tempore dominium adepta, Sanguinem attenuare, fundere & ad capiendum impetum irritare potest. Lunari cursui vulgus transcribit, quod ab hoc Humores maximè augeri per experientiam constet.

X.

Tempus Universale hujus fluxus statuitur à 14. anno inchoare & finiri cum 50. rarò ad sexagesimum est amplius extendi. Utriusque causfa videtur esse Fermentum Uterinum, quod ibi nondum adultum, maturatumque, hic verò jam extinctum sepultumque est. Particulare sunt singuli menses, idque per duos tresve dies: nonnunquam durat in 6. & 8. diem. Aristotelis tempore accidebat Luna Decrescente: hodie experientia docuit, juniores novilunio, Seniores plenilunio purgari, secundum versiculum tritum: Luna vetus vetulas, juvenes nova Luna repurgat. Quod verò singulis mensibus peragitur hæc evacuatio, propter commodum fœminarum, ne semper sed per intervalla egrediatur, fieri, memoriæ prodidit Hippocr. lib. de Septimestri & Octimestri Partu. Alii mulierem microcosmum ad macrocosmum referendo, componi eam cum istius sideris motu, & motum lunæ sequi, affirmant.

XI.

Viæ sunt solæ Arteriæ, tum quæ in collum uteri (& hæ in gravidis quoque fundere sanguinem possunt) tum quæ ad fundum ejus terminantur, quorum oscula teste Laurentio Veteribus, acetabula & Cotyledones indigitantur. Quod ad quantitatem, excernit mulier secundum Hippocratem singulis mensibus libram cum dimidia:
inter-

interdum etiam majorem copiam: variante nempe temperamento, pro copia, caliditate, tenuitate, aut contra, sanguinis. Finalem causam excretio quintuplicem obtinet. I. Evacuare sanguinem superfluum (interdum quoque simul noxium) quando mulier, necdum concepit, quod fortè natura tum suum scopum non est adepta, quod hic generationis materia sit. II. Fœtui intra & extra uterum inservire, ibi ut materia hic ut alimentum, cum in lac est mutatus. III. Inservire propagationi speciei. IV. Corpus conservare sanum & liberare ab excrementis, quia alias corrumpetur.

XII.

Notæ bonitatis, sanguinis Menstrui, petendæ veniunt. I. Ab ejus consistentia, ubi optimus ille censetur atque laudabilis, qui medius est inter tenuem & crassum. II. Qui caret omni odore, imprimis fœtido. III. Qui colore est vivido & florido, rubro instar ejus, qui fluit à recens mactata victima. IV. Observandus est modus excernendi, ut liberè sine omni impedimento effluat.

XIII.

Quibus verò Signis instans (præsens enim per se evidens est) fluxus cognoscatur, imprimis in illis, quæ nunquam passæ sunt, demonstrare poterit pulsus, qui naturali frequentior evadit, cum effervescentia sanguinis in Corde majore: accedunt lumborum, laterum, & sæpe Capitis dolores, oriundi à sanguinis nimio motu. Virginibus ubera intumescunt, pruriunt papillæ. Quantitatem sufficientem, & prognosin bonæ evacuationis adstruit *ἄφορμα*, id est, quando post evacuationem nec corporis gravitas, neque virium debilitasprehenditur.

XIV.

Quid sit suppressere? Quibus mulieribus supprimantur menstrua? Quid sint menstrua? Quis eorum s. n. sit status, conditio? & quæ requisita, hæcenus dictum est. Sequitur, exponatur quoque, Quid sit illa ipsa suppressio, quæ p. n. mensibus inducitur? Quâ de causâ producatur? Quibusque signis cognoscatur tum ipsa, tum ejus causæ; quem qualemque tandem fortiantur eventum.

XV.

Suppressio hæc cum mulieribus multorum gravissimorumque malorum causâ sit, illarumque functionibus vitalibus, animalibus,

naturalibus plurimum incommodet, procul dubio illis secundum naturam nullo modo accedet. Quæ enim secundum naturam in corpore eveniunt, illa partium Functiones conservant illasque roborant. Quæ contra naturam verò sunt, hæc destruunt easdem & corpus labefactant, illud oppugnando & vim inferendo. Res verò præter vel contra naturam (nam hæc nunc non distinguo) à Medicis ponuntur tantum tres, Morbus, Causa, Symptoma, sub uno ergò horum nostra suppressio collocanda erit. Morbus dici nequit, Suppressio, quippe cujus essentia non in ipsa aliqua corporis constitutione consistat: neque enim propriè est aut Temperamentum, aut Structura aut Unitas læsa, quamvis horum effectus esse possit. Neque etiam sua natura Causam dixeris, quamvis per accidens multorum malorum causa revera sit. Restat ergò symptoma sit & quidem meritò. Quippe quod Suppressio nihil aliud sit, quam abolita excretio, mora & cessatio nempe mensium. Excretiones verò s. n. è genere naturalium actionum sunt: læsæ ergò erunt è genere p. n. hæc vero symptoma sunt. Erit igitur suppressio Actio læsa uteri, & quidem quatenus publicum munus obtinet, erit abolita excretio uteri. Sin respicias illud, quod retinetur, erit symptoma retentorum, nempe mensium, quæ naturaliter excerni debebant. Priori modo definiri potest, Excretio p. n. abolita sanguinis, qui naturaliter singulis mensibus per uterum exire debet. Posteriori modo, erit vitiata retentio sanguinis singulis mensibus per uterum evacuari soliti, cum mulieres nec sunt gravidæ, nec lactant, mediaque in ætate constitutæ sint. Quæ tamen duæ Definitiones pari passu ambulant, cum tamen sint petitæ ab opposito, idem subjectum eandem materiam, eundem finem respicientes.

XVI.

Pars affecta sive subjectum hujus suppressionis est vel Propinquum vel Remotum. Propinquum est uterus, quatenus scilicet publico munere fungitur & pars corporis destinata sive determinata dicitur. Uterus. Plinio lib. xi. cap. 37. Tom. i. p. 809. Utriculus. Aristoteli Loci, Lucilio Bulga, Græcis dicitur *ὕστερος* non generatione sed situ, quasi viscerum postrema sit, teste Laurentio Anat. lib. 7. cap. 11. audit quoque in plurali numero *αἱ ὕστεραι* in eadem significatione. Hofmann. lib. 2. Instit. cap. 44. A quibus tamen differt, *παῖ ὕστεροι*, quæ sunt secundinæ tantum. Hic cum non sibi tantum sed pluribus aliis usibus inservire deberet, non ex uno genere

genere partium conflatus est. Non enim sibi tantum alimentum accipit, retinet, alterat & conficit, & superfluum expellit, sed incumbit illi præterea triplex aliud munus, quorum primum est interservire menstruæ purgationi, secundum conceptui, tertium partui. Non enim tantum individuum conservari, sed & speciem propagari par erat, ut ergò hæc omnia obire posset munia, triplici quoque genere partium donatus est Uterus, continentibus, contentis, & impetum facientibus, quæ interserviunt menstruis expellendis, partim tanquam instrumentum, partim ut materia, partim ut facultas: primum quærendum in uteri substantia, secundum in sanguine ejus, tertium in spiritibus tum vitalibus tum Animalibus ejus. Afficitur ipsa substantia uteri, quoad ipsum corpus secundum tunicas, vincula sive ligamenta, fibras, fundum, collum, orificium, tum quoad vasa, venas & arterias scilicet, nervos habet à sexto conjugio, quorum notitia ex Anatomia comparanda est. Ex contentis imprimis est sanguis in venis & Arteriis ejus contentus cum insignibus tum capillaribus, quæ communi nomine Vasa dicuntur: postea etiam alieni Humores permixti sanguini quatenus cum sanguine ad Uterum deferuntur. Spiritus Animales ad uterum per nervos commeant, eique motum & sensum impertiantur: Vitales verò cum sanguine per arterias accedunt, huncque in perpetuo motu conservant, agitant, attenuant, volatilifant. Possunt in præsentī affectu omnes hæ partes omnis generis, morbis affici. Substantia scilicet pati potest morbos in temperamento, Structura & Unitate. Sanguis & spiritus tum morbo laborare, tum causæ naturam induere possunt: possunt incallescere nimis, refrigerari, attenuari, incrasari: possunt deficere, abundare, obstruere: diciturque hoc modo Uterus laborare per essentiam. Subjectum Remotum sunt præcipua viscera, Hepar, Cor, Cerebrum, Venæ, Arteriæque omnes, id est tota massa sanguinea, quæ, omnia vel menstrua absumere vel retinere valent.

XVII.

Sed causa quæ sit hujus suppressionis productrix, ordo nunc postulat, ut investigetur: neque enim sine hujus accurata cognitione hoc malum curare possibile est. Hanc dividemus more Medicis recepto in Continentem, Antecedentem & Procatarteticam: Ad unam quamque enim harum attendere tenetur, quisquis citò & tutò huic lernæ caput amputare in animo habet. Prima alias dicitur

Proxima, altera Propinqua, tertia verò Evidens & Remota. Ordiar à Proxima, cui mox subdam Propinquam, ultimò Procategoricam exsequar.

XVIII.

E symptomatum cum sit numero Uterina hæc Suppressio, Functio nempe abolita: cuius verò constet ex primis Medicinæ fundamentis symptomata à morbo aliquo procedere, tanquam causa continente; neque enim lædi potest actio nisi constitutio organi actionis causa sit læsa: meritò inquirimus nunc, quisnam sit morbus, qui hanc, tanquam causa Continens producat suppressionem. Videtur hic non aliunde rectius posse cognosci, quam si conferatur cum ipso mensium naturali fluxu: cuius formalis ratio in libera excretionem consistit. Excretionis verò immediata causa sunt viæ patentēs: Ergò ex opposito sublata excretionis causa erunt viæ occlusæ. Unde rectè infertur Proximam Immediatam atque ideo Continentem suppressionis hujus causam esse solam & unicam viarum angustiam, quod hæ solæ fluxum tum efficere immediatè, tum impedire possint. Quia tamen ad excretionem non tantum requiritur pars excernens tam propinqua quam remota, sed & id quod excernendum est, & menstrua non tantum per has evacuari vias est necesse, sed præterea ad hunc fluxum tum materia, tum id quod materiam expellit, requiritur. Hinc meritò plures hic conferre suum symbolum morbos credere par est. Qui tamen tandem angustiam hanc vel per se vel per accidens, idque vel privativè vel positivè causentur. Non ergò unum morbi genus, hic partes suas & talentum tribuit. Quippe quod uterus ipse lædi possit ab Intemperie sine vel cum materia, vel calida & sicca, vel ut plerumque fieri consuevit, frigida, quæ ora arteriarum densat atque constringit, simulque sanguinem in iis contentum reddit immobilem; sicut sicca exhauriendo fluidiores & subtiliores particulas, eundem gignit effectum. Structura morbi possunt primò esse Conformationis in superficie, ubi substantia Uteri evadit densior, duriorque: quod vel accidit à primo ortu, vel successivè, unde perpetuò contrahitur suppressio. Cavitationis vitium est angustia, quæ interdum naturalis est, in imperforatis à primâ nativitate: Hæc consistit in tribus locis. I. In alis sive externo orificio. II. In medio sinu seu ultra meatum urinarium. III. In ipso Uteri ore, fitque aut à membrana aut carne. Præternaturalis angustia cum solutione continui fit

fit à vulnere, Ulcere, Scirrho, Abscessu, Fistulis, quibus rima clauditur. Meatus sive vasa clauduntur constipatione, obstructione, compressione, coalescentia, subsidencia. Interdum meatus etiam defunt, interdum sunt contorti idque vel casu vel abortu, vel percussione alioque morbo. Horum omnium morborum causa proxima, atque ideò causa proegomena suppressionis omnium consensu statuitur esse vel ipse sanguis vel Uterus cum præcipuis visceribus, vel spiritus cum animales tum vitales: primum Hofmanno materia, secundum Instrumentum, tertium Facultas dicitur. Quæ eodem sensu Capiuaccius ad duas Causas redegit, læsam facultatem & errorem externam. Per prius intelligit omnis generis morbos, tum Uteri, tum aliarum partium: per posterius verò vitia sanguinis cum copia, defectu, Qualitate, motu. Primerosius omnes causas retulit in absorptionem & retentionem mensium. Absumptio est vel naturalis vel præternaturalis. Retentio verò fit vel vitio sanguinis, vel Instrumentorum vel Facultatis, quæ planè eodem modo cum nostris Causis intelligenda sunt. Mercatus omnes causas rejecit vel in Universum corpus vel in ipsum sanguinem, vel ad Uterum & ejus vasa, cum quibus conjungit causas externas, quæ & solæ sæpè hunc affectum producere possunt.

XIX.

Sanguis peccat IV. modis, Quantitate, Qualitate, Motu, Admixtis alienis. Quantitas vel est in defectu vel copia. Deficit sanguis & quidem naturaliter. I. In naturis calidis & siccis, ut sunt viraginum. II. In pinguibus & crassis. III. Post quadragesimum imprægnationis diem. IV. In lactantibus. Præter naturam verò deest sanguis ob inediam coactam vel liberam, ut sunt jejunia, ob laborem nimium, vigilias diuturnas, evacuationes immodicas per Hæmorrhagiam, sudores, Alvi profluvium: item ob morbum acutum vel chronicū, mœrorem animi, quibus omnibus materia mensium absorbitur.

XX.

Copia peccat sanguis in plethora, imprimis ubi aliquid pituitæ permixtum est, quæ sanguinem obtundendo eum minus fermentare sinit, unde distendendo vasa, quasi *νόσος* inducit fibris, quo minus expulsionem promovere possint. Ad copiam accedit Qualitatis vitium, nempe visciditas & crassities ejus, quæ obstructioni producendæ valdè idoneæ sunt, impediētes illum transire per va-

sa angustiora & facientes ad motum ineptiorem. Frigidi & Crassi Humores illi offeruntur vel ex aëre vel alimentis ejusdem naturæ ingestis, generati, qui intrusi in uteri arterias, has haut difficulter obstruunt atque obturant: quod sæpè subitò fieri videmus à Pituïta, ab aliqua causâ validè movente, soluta & fusa & cum sanguine ad uterum delata, iterumque à frigore vel aqua coagulata.

XXI.

Motu sive loco nocet sanguis, quando rejicitur per vomitum, alvum, urinam, oculos, nares, aures, gingivas, mammas, poros cutis, umbilicum, minimum manus digitum, ac per alias insuetas corporis partes. Quorum exempla collegit Marcellus Donatus lib. IV. cap. 19. Histor. Mirabil. Unam vide sis apud River. Prax. lib. XV. cap. 2. Puellæ scilicet sanguinem ex pustula capitis profundentis.

XXII.

Uterus ipse cum suis vasis, & præcipua viscera, Ventriculus, Jecur, lien, pulmo, Cor, suppressioni ansam præbent, cum gravi aliquo affectu laborant, intemperie, scirrho, ictero, cachexia, hydrope, asthmate. Quo facilè massa sanguinea tota labefactari, spirituum tam vitalium quam animalium generatio, impediri, structura, temperamentum, unitasque uteri everti potest.

XXIII.

Spiritus Animales, Vitalesque huc faciunt, quatenus vel planè non generantur, atque sic deficiunt: atque sua absentia cum motu ac sensu Uterum spoliant: & unde torpor est paralyssis uteri accidere potest, tum quoque sanguini coagulationem conciliant, quod motus sanguinis præcipuè à spiritibus Vitalibus dependeat, qui nihil aliud sunt, quam particulæ sanguinis maximè activæ, utpote Salinæ naturæ, perpetuo se invicem agitantes. Si quis etiam Bilis defectum arguere hic velit, ille haut multum aberrabit: vel generantur quidem, sed non sufficienter, vel fiunt ex materiâ crassâ, frigidâ, quorum exigua vis ad propellendum expellendumque sanguinem.

XXIV.

In specie producit Obstructio Arteriarum à Sanguine crasso, viscido, cui sæpè alii Humores Viscidi permixti sunt. Constipatio fit à sinistro adstringentium tum externorum, tum internorum usu, & interdum à carne quoque adnata, ab abscessu & callo. Compres-

sio accidit vel à tumore aliquo partis circumjacentis, ut omenti pinguedine, quod in obesis ad uteri os decumbit: vel à calculo vesicæ grandiore, aut tumore vesicæ, recti intestini, muscutorum rectorum inflammatione, quo etiam facit ipsius Uteri inflammatio, scirrhus, callus aliquis, pinguedo caroque adnata. In imperforatis Uterus ipse comprimitur, sicut & in illis, in quibus membrana Hymen adest. Coalescentia contrahitur à frequenti abortu, à vulnere, carne luxuriante, cicatrice post vulnus, à membrana utero adnata. Subsidentia fit ex defectu Sanguinis, ob immodicas evacuationes per alias vias, ob mœrorem, timorem, spirituum defectum. His omnibus caussis addendum est peculiare uteri fermentum, quod præcipue fluxus naturalis est causa: Quæcunque ergò fermentum hoc destruunt, ei materiam subtrahendo, vel ipsum generatum jam dissipando, illa meritò pro causa Suppressionis haberi possunt.

XXV.

Inter Caussas Procatarticas plurimum excellit i. Frigus cum Aëris, tum Aquæ, maximè instantibus menstruis, corpus afficiens. ii. Victus copiosus & crassus, fermentum ventriculi obtundens, unde Chylus, Sanguisque crassus gignitur. Imprimis hic lacticia & acida, ut austera acerba valde nocent. iii. Valdè quoque nocet iners otium, somnusque nimius Humores crassos coacervans. iv. Animi mœror, phantasia, ira, quæ variis modis Sanguinem, spiritusque consumunt. v. Magnæ evacuationes, sive Sanguinis, sive spirituum, sive aliorum Humorum, quæ corpora sæpius in gravissimos atque incurabiles morbos conjiciunt.

XXVII.

Caussis succedunt Differentiæ, quæ perquam plures existunt. i. A modo læsæ excretionis, alia est abolita alia diminuta. ii. A tempore, alia est diuturna & continua, alia brevis & mitis. iii. A parte affecta, alia est per essentiam, alia per consensum. iv. A caussis, alia est à Sanguine, alia ab Intemperie, densitate, obstructione, compressione, subsidentia, constipatione, coalescentia. v. Alia etiam est Naturalis, ut Virginibus, Pinguibus, lactantibus, post 40. conceptionis diem: alia est præternaturalis ab evacuatione nimia, ab inedia, oblaboribus vigiliis.

XXVIII. Si-

Signis indiget Medicus duplicibus, his, quibus Morbum, partem affectam, causas tam præsentis quam præteritas in lucem protrahit: aliis, quæ ipsum de eventu præmonent. Illa dicuntur Diagnostica hæc Prognostica. Et quamvis hoc malum sæpe ex relatione ægræ pateat, sæpe tamen etiam latet. Ubi Symptomata, quæ occurrunt considerare oportet, aliasque circumstantias, quæ certitudinem Medico afferant. Qualia sunt i. quod Mulier ad fluxum patiendum idonea sit, nulla tamen sit Sanguinis excretio: hoc jam menstrua deficere significat, imprimis si contingit post 13. & intra 50. annum, mulierem ægrotare, mensibus obstructis hoc acceptum ferri potest: ii. Nulla adsunt signa conceptus, & deficient Menstrua, ergò Suppressio adest, iii. Fluit Sanguis è naris, vel per sputum rejicitur cum nullo dolore circa uterum, nec ullis aliis Symptomatis circa illam partem, ergò Menses sunt suppressi. iv. Cum Sanguis in utero retinetur, adest dolor imi ventris, lumborum, femora difficulter moventur, eorum musculos infestat stupor. v. Adest horror, pica, nausea, vomitus, palpitatio cordis, tormina, deliria, dyspnœa & tandem si diu duret, succedunt infinita alia Symptomata actionis vitalis, naturalis, animalis concernentia. vi. Non rarò lac in mammis observatur, vel hæ tument & inflammantur. vii. A prægnantibus suppressas distinguit color, mores, symptomatum remissio vel vigor, infantis motus & situs. Ille prægnantibus est naturalis, suppressis verò pallidus, imò interdum viridis: suppressæ sunt tristes, aliæ hilares. His Symptomata tandem evanescent, aliis verò in dies invalescent, tandem in illis motus & situs Infantis, tertio circiter mense, qui manu ventri admota, percipitur, in his tale nihil fit. viii. Causas verò his Signis cognoscet. i. Densitas cognoscitur à prægressâ causâ refrigerante. ii. Obstructio ex gravitate circa uterum, copia Humorum, & ex indicantibus Sanguinem crassum elucescit. iii. Coalescentiam patefacit prægressum ulcus, aut alia solutio continui. iv. Compressionem indicat pondere, tumor vicinæ partis, vel omentum pingue, ut in obesibus. v. Contorsionem aut vitiosam figuram ostendit difficilis partus. vi. Constipatio cognoscitur ab obstetricibus, sive sit caruncula sive pellicula. vii. Subsidentiam ægra indicabit, cum extra pudenda Uterus propendet quod & obstetrix manu explorari potest, præterea antecessit inanitio aut insignis refrigeratio.

frigeratio. VIII. Caliditatem & siccitatem feminæ viriles præ se ferunt, quæ voce sunt graves, corpore hirsutæ, facileque excandescunt. Error externus cognoscitur ex sanguinis copia, qualitate, motu.

XXVIII.

Prognosi utitur Medicus, tribus de causis, ut perfectius curat, ut imminens periculum prædicat, ut ægrorum animos sibi devinciat, quo magis ipsius jussu obediant, dum eorum affectus illi cognititas esseprehendunt. Et quamvis plerumque Suppressio quævis mulieribus multum incommodi afferat, sitque difficilis curatu, una tamen altera gravior esse consuevit. Namque quæ post sex menses durat, teste Hippocr. lib. I. de Morb. Mulier. (quod tamen perpetuæ veritatis esse teste eodem Hippocrate negat Mercatus, demonstratque ex ipsius Hippocratis historiis, quia ætas, habitus, temperamentum, causæ, ceteræque circumstantiæ sanationem impediunt vel faciunt.) Quæque est ex cicatrice, Sclirrho, cancro, contumaci obstructione, coalescentia, hydrope, planè incurabilis esse solet. Difficilius quoque curatur illa, quæ est ex defectu, Qualitate, motu Sanguinis, quam quæ ex copia ejus oritur. Pejor quoque est cum Sanguis in utero retinetur, quam cum per aliam partem evacuetur. Pejor quoque est in femina, quæ nunquam peperit. Quibusdam hæc suppressio planè naturalis est. Facilius curatu illa est, ex pinguedine, hæmorrhagiâ, aliaque evacuatione, quod causæ hic facilius tollantur.

XXIX.

Expensis huc usque natura, causisque, abolitæ menstruæ purgationis, ut telam, quam exorsi semel sumus, pertexamus tandem: consequens est, perpendamus quoque quâ ratione hoc malum, ne diutius muliebri corpus impunè infestare possit, optimè amoliri valeamus. Haut temerè autem ex Mercati præcepto, hujus affectus Curationem aggredi oportet, quia incautis mille accidentia in hoc malo affectis occurrere possunt, quæ potius manu facta, quam vi morbi illata esse credendum sit, ubi Curatio planè omitenda est, ut sit in nutricibus, laboriosis, pinguibus, morbo aliquo confectis, viraginibus, vetulis, nondum adultis, sive immaturis, ubi manus auxiliares nullo modo, vel saltem cum sano judicio porrigere licet. Sed cum gravia emergunt Symptomata, gravia accidunt incommoda, tum demum sese accingere ad Curationem Me-

C

dicum

dicum decet, non plebeculæ ritu, venam promiscuè secando, incipientia, aperiencia adhibendo, verum respiciendo accuratè ad causas, indeque factos morbos, sic enim optimè Curatio instituetur per indicationes more Rationalibus Medicis recepto, quo morbo, causisque exstirpandis, viribus verò conservandis, per rationes cuique proprias, propria invenimus & specifica remedia, iisque adhibemus materias cum ratione, tum imprimis experientia certa sæpè diuque cognitæ atque probatæ. Ut igitur ordine progrediar, illam causarum classem observare insistam, quam nobis Celeberrimus Mercatus præscripsit; ubi omnem causam Suppressionis statuit hæere vel in universo Corpore, vel in Sanguine tantum, vel in ipso utero ejusque vasis.

XXX.

Ubi ergò universum corpus ad inducendam Suppressionem conspirat, ibi imprimis cavendum, ne menses provocare medicamentis ingrediamur: verum danda potius opera, ut corporis ejusque viscerum pravas amoliamur, prius tum constitutiones tum causas evidentes occultasque, quæ illas constitutiones producant. Itaque
i. Convalescentibus ab aliquo gravi morbo succurremus Diætâ potius Alimentorum euchymorum, polytrophorumque, quam medicamentis. ii. Eas verò mulieres, quæ nihil incommodi à Suppressionem percipiunt, ne tangamus quidem, nisi sterilitatem inde consequentem arcere cupiamus, tum pro re nata Medicus cognita ejus Suppressionis causa suppetias feret. iii. Impuberes & vetulas, id est, quæ vel infra 14. vel ultra 50. annum versantur, ut & lactantes & gravidas, utpote sine damno carentes mensibus culinæ mandemus. iv. Extenuatas diuturno morbo vel inedia, ut & quæ multum Sanguinis per nares rejecerunt aliamque partem, victu uberiori optimique nutrimenti impinguamus. v. Ubi verò penuria fit ob venarum angustiam in obesis, ubi Sanguis in pinguedinem absumptus, ibi verò corpus extenuamus, diætâ tenui acidorumque usu semel in anno venam secantes. vi. Quæ malo sunt corporis habitu, eas Diætâ in meliorem statum reducimus. vii. Quæ occupante valido exercitio imprimis tempore eruptionis menstruorum, aut cum hæc instant, sive totum corpus, sive unum tantum membrum, ut fit in Cantatricibus, exerceatur, illas quiete & otio ad munus naturæ reducimus. viii. Omnes causas evidentes reliquas submovemus, ut est lotio, potusque aquæ frigidæ, cum instant menstrua, aut timor,

mor, mœror, vigiliæ, aliæque passiões animi graves. ix. Excretionēs quasvis per Hæmorrhoides, nares, os, sudorem largum tollimus parca Venæ Sectione, cucurbitulis, scarificatis frictionibus, vinculis, topicis. x. Plethorā totius corporis Venæ Sectione in brachio evacuamus. xi. Biliosis Calidisque imperamus Humectantia in cibo & potu, tum adhibemus Venæ Sectionem, blandamque purgationem, applicemusque cucurbitulas, & commendamus balnea, atque hoc modò tollimus vitia toti corpori molesta. Quod si verò solus Sanguis in culpa sit, illum sequenti methodo emendabimus.

XXXI.

Si sanguis peccat Quantitate sola, idque primò in Utero & hinc in toto corpore, tunc vena secanda est in talo. 3. 4. que die ante menstruationis tempus solitum: hinc instituatur Diæta tenuis, imperturque modicum exercitium, fiant leves frictiones circa tibias & femora, concedatur moderata Venus: affigantur cucurbitulæ scarificatæ, femoribus, coxis, suris.

XXXII.

Ubi verò Qualitate molestus est sanguis, frigida imprimis cum crassitie & visciditate: hic imprimis adhibenda est Diæta ratio calefaciens & extenuans, pauci tamen Alimenti, quæ exercitiis augebitur. Conducunt ergò Cibi, & imprimis carnes vel animalium castratorum & juniorum, vel avicularum montanarum & juscula aromatis condita, imbibatur vinum odoratum & dilutum, aq. cinamom. aut rad. chinæ infusum: tum sint in usu Calefacientia & Incidentia medicamenta: quibus succenturientur Phlegmagoga, tum iterum extenuantia diu adhibita. Tandem menses cientia propinentur, ubi imprimis Decoctum rorismarini & sem. leucoji lutei, ut & apii hortens. cum vino valet, Trochisc. de myrrha hic specifici sunt.

XXXIII.

Si motu deviet sanguis, ut quando per superiora, nares, sputum, vomitum, erumpit: tum conducunt repellentia, partim ut est lotio aq. frigida in capite & brachiis, partim revellentia ad uterum, Venæ Sectione in talo, quod faciendum est triduo ante consuetum eruptionis mensium tempus: eidem rei inserviunt quoque ligaturæ, frictiones, cucurbitulæ. Si verò in utero stagnet sanguis, eumque distendat, tum adhibebitur venæsectio circa malleolos, scarificatio verò in femoribus ac suris: mensesque cieuntur medica-

mentis non nihil calefacientibus. Conducunt hic etiam pessaria, infessus, inunctiones, fomenta : fugienda verò sunt validè menses moventia. Materias vide sis apud Primerosium, Riverium, Mercatum, Joëlem aliosque.

XXXIV.

Uterus sæpe laborat ipse Intemperie Frigida sicca, unde ille evadit densior & durior : estque hoc vitium sæpè naturale mulieribus & nullam admittit Curationem. Quando verò ab aliquâ causâ contractum est, tum adhibenda sunt Calefacientia & Humectantia, emollientiaque, nempe infessus, lotiones, suffitus aromatici, metrenchytæ sive clysteres Uterini, pessaria, quorum locuples penus exstat apud Practicos.

XXXV.

Si verò Vasa Uteri sunt obstructa, quod frequentius accidit, idque vel natura, tum incurabile est malum : sin ob aliquam causam, puta, Inflammationem vel Uteri ipsius vel vicinarum partium, qua vasa comprimi possunt, cum vel sine tumore insigni : item, si sanguis immodicè ibi circa uterum congestus stagnet, crassus viscidusque inhæret cotyledonibus, tunicisque venarum, tum Curationem inchoabimus. I. Venæsectione in talo, si copia sanguinis adsit. II. Purgatione repetita, quod dicitur per epicrasin utemur, mutatis sæpè formulis, ne ægro nausea creatur, Infusis, Bolis, Pilulis, Aquis, Decoctis, adhibebimus quoque balnea, infessus, suffitus, pessaria. Materia commodè præparabitur menses moventibus specificis, sabina, dictamno &c. miscebimusque utiliter alterantia purgantibus, sic enim illa potentius operabuntur. Pessi quoque & metrenchytæ hic commodè adhibentur, cavendo tamen ne consent nimis acri calidaque materia, ne exulcerentur illæ partes. Inunctiones hic efficaces sunt, profunt etiam Clysteres, cucurbitulæ tam scarificatæ quam siccæ, coxis & femoribus admotæ, vincula dolorifica, fomenta partium inferiorum. Nec victus ratio incidens negligenda, habita ratione totius & viscerum principalium.

XXXVI.

Quomodo tollendæ sint causæ suppressionem producentes, sat expositum est. Morbi vero, qui in eadem occurrunt parte curantur sublatis causis, quidam tamen peculiarem exigunt medelam, Ut est distortio sive retractio Uteri in alienam partem : frigiditas
Uteri,

Uteri, ejusque orificii, cicatrix, callus durus, caro supercrescens, membrana claudens orificium, tumor p. n. vel ipsius, vel partis vicinæ.

XXXVII.

Ubi ergò tumor p. n. vel ipsius Uteri vel partis vicinæ impedit liberum mensium profluvium, Curatio instituetur mittendo sanguinem: tum sedabitur inflammatio convenientibus medicamentis, adhibebunturque illa quæ tumorem durum emolliunt. Menses scientia hic nocent.

XXXVIII.

Si membrana Uterum claudat, commendabitur illa Chirurgis ferro & medicamentis exstirpanda. Si verò Caro supercrescat, quæ menstrua impedit, medicamentis exedentibus eandem tollit Chirurgus.

XXXIX.

Cicatrix aut callus adnata durus & solidus curatur leniter emollientibus: licetque hic sanguinem mittere ad præcavendum majus malum.

XL.

Frigida Intemperies Uterum ipsum & ejus osculum lædens, & quidem à causâ externa contracta, ita ut corrugatus fiat, mensiumque fluxum impediat, curatur calefacientibus tantum, suffitu, balneis, inunctionibus.

XLI.

Intemperies Calida curatur. i. Victu refrigerante. ii. Venæsectione in pede. iii. Blanda purgatione Humorū acrium. iv. Alteratione per Decocta, Julep. balnea, topica. v. Conveniunt hic Hæmorrhoidum fluxus, insectiones, balnea.

XLII.

Intemperies sicca curatur Humectantibus Internis externisque: levibus frictionibus, deambulatione, inunctionibus, balneis; clysteribus emollientibus. Evacuationes hic sunt omittendæ, quia hæ ægræ similes sunt Hecticis, ab illisque maximè læduntur.

XLIII.

Uteri distensio ad alienam partem, quæ quidem impediat fluxum mensium perversis osculis vasorum curatur fomentis calefacientibus ex scenic. & absynth. tum lotione calida: postea Uterus digitis reponendus est in suum situm naturalem, faciendæque lenes

purgationes, donec fluant menstrua. Conducunt hic crebra exercitia, equitatio, deambulatio, saltus: ut & cataplasmata, quæ uterum retrahant & in situ antiquo conservant firmiter.

XLIV.

Scirrhi & Cancri cognoscuntur, curandum methodo qua in aliis partibus curantur & cognoscuntur, relinquunturque Chirurgis, qui ferro, manibus & igne, sicut Medici medicamentis & Diætâ pugnânt.

XLV.

Ex tribus Indicationibus quibus Dogmatici Medici omnis affectus Curationem expetere consuevere, hætenus absolvimus duas, quæ nempe petuntur à rebus p. n. Morbo scilicet & ejus Causâ, qua sui amotionem indicant per contraria. Superest adhuc tertia, quæ sumitur à rebus s. n. & indicat similia, diciturque vulgò Vitalis & Conservatoria, quia vires conservando integras vitæ prospicit. Hæc respicit Sanitatem ipsam ejusque essentiam, tum ejus Causas & Accidentia, unde comprehendit corporis & cujusvis partis temperamentum, ipsum corporis habitum, ætatem, idiosyncrasiam, consuetudinem, vitæ institutum, aëris ambientis constitutionem, tempus anni, regionem, in qua degit ægra. Quorum omnium accuratam tenetur Medicus habere rationem, si citò, tutò & jucundè mederi cupiat.

XLVI.

Horum omnium usus constat cùm medicamentis, tum legitimo Diætæ regimine, quæ sex rebus non-naturalibus absolvitur. Medicamenta quæ hic conveniunt, sunt Corroborantia dicta, nempe quæ particulis constant vel alimentosis vel saltem summè activis, quibus vel in alimentum cadunt, vel viam ad partes aperiunt, ipsaque ab excrementis liberant, qualia ex internis sunt, Aromaticæ aquæ, & Spiritus, confectiones, conservæ corroborantes, electuaria, pulveres cardiaci, condita. Inter externa occurrunt, linimenta oleorum aromaticorum, emplastra, foci, quorum præsidiorum materiæ passim apud Practicos exstant.

XLVII.

Ex rebus non-naturalibus convenit hic Aër purus & lucidus atque temperatus in primis secundisque qualitatibus. Cibi & potus laudantur contrarii morbo & causæ morbificæ, boni succi & facili coctionis. Excernenda promoveantur, ut singulis diebus procedant:

dant : somnus, motus, requies, vigiliæ, secundum causas ordinentur. Animus componatur ad hilaritatem, metu & mœstitia in exilium pulsus. His omnibus ritè & secundum artem peractis benedictio expectetur ab illo, qui solus omnibus benedicere, à quo & ipsi sumus, in quo movemur & vivimus.

F I N I S.





Ad Nobiliss. & Experientiss.

DN. R E J N B D E H.

De sanguine menstruo disputantem.



iccine Te dulces musæ innocuique Lycæi
Delectant studia & non inhonora quies?
Invia Virtutis veluti est via nulla petenti
Sic jam multa tibi lectio pandit iter.
Invia virtuti non est via laudis: honores
Percipit & studii præmia quisque sui.
Hinc Themis alma Tibi summos decrevit honores
Ac audis læto pectore: D O C T O R ave!
Gratulor hunc titulum, quo cunctis dignus haberis:
Et tecum gaudens hæc pia vota fero.
Quicquid agas, summus numen conatibus adsit,
Morsus mordacis sit procul invidiæ.

*Ita Fratri Optimo de novis in Arte Medicâ honoribus
gratulabatur, ac prospera quæque vovet*

FRIDERICUS R E J N B D E H.

Pando.

Pandoræ quondam vacuatâ Pyxide, totum
Pervasit Terrarum Orbem genus omne malorum
Scorbutus, Phthisis, Lethargus, Pica, Phrenitis,
Quicquid & ulterius monstrorum docta Galeni
Turba canit, variisque jubet vitare medelis
Funestos morbis scopulos syrtesque dolorum.
En novus hîc Batavas plausu delatus in oras
Monstrorum domitor REINBOTHUS, cujus ab ore
Suspicienda fluunt magni secreta Galeni:
Quem meritis condigna suis nunc palma coronat
Debita virtuti: nam templa propinqua Quiritum,
Queis Virtus & Honos cultus habuere sacratos
Indigitant fidum Comitem Virtutis Honorem:
Ergo Tibi tantos meritò gratamur Honores
Queis maectatus ovas, resonantibus undique Votis:
Hos inter vario lætantes ore Triumphos
Nec nostrum suspensa melos testudo moratur
Nomine non uno: quoniam (ni fallor) habenas
Jàm sentis dulcis Paphiæ: & conjuncta Galeno
Alma Venus Cimbro residens in littore: suavi
Addidicit nexu fertis miscere corollas.
Ergo tuam duplici felicem nomine sortem
Alma salus Trinâ complebit forte perennem.

*Ita Nobiliss. & Experientiss. Dn. Reinboth. summos in
Medicina Honores capeffenti applaudit*

PAVLLVS GRVNEWALD, Lubecens.

J. V. Licentiatus.

D

Non

Non frustra vario petitur doctrina Labore
Sedula nec frustra pectora Pindus habet.
Hæc via, quâ virtus, hæc, qua doctrina paratur
Cultores digno donat honore suos.
Hæc quoque post varios, ADFINIS AMANDE, Labores
Insigni studium donat honore tuum ;
Quare ego de tanto meritò tibi grator honore,
Et precor, ille tibi commoda multa ferat.
Sit faustus tibimet portus, non ulla carinam
Tempestas capiat, Scyllaque cæca trahat,
Sed cœlo innubi placidis semper vehat undis
Donec cœlicolûm prata beata petas.

Id quod amicè magis ; quam eruditè, vovet ex animo

FRID. HEINRICH von Hatten.

Ad Nobiliss. & Clariss. Dom.

CANDIDATUM,

De Suppressione Mensium disputantem.

Sic igitur Vestris sunt omnia commoda chartis,
Atque nihil Medicus, quod vereatur, habet.
Sic Natura parens adeò nil contegit, Audax
Quod non vester amet contemerare labor.
Menstrua, quæ Thalami velat reverentia casti
Quæ celat. Pietas, Virgineusque pudor.
Quæ memorare Virum vitium hætenus ecce revelas
Ejus & ostendis quæ sit origo mali.
Quam vereor salvas ne surgat Cypris in iras,
Et meritis tribuat præmia digna tuis.
Quàm vereor Nymphæ gemitus, atque aspera bella,
Dum memoras, minimè quæ memoranda forent.
Sed benè: quod pudor est aliis, tibi gloria summa
Et decus, & nullo est laus reticenda die.
Hinc tua clarescit latè sapientia nobis
Mentis, & ingentes hinc videt orbis opes.

*Hæc in æternum amoris fraternæque amicitia monumentum
properanter*

HEINRICH. GEORG. von Hatten.

Doctorisne Tibi de nomine gratuler ? unde
Laurus & emeriti surgunt tibi ritè Triumphi :
An mavis Paphiæ plausus ? dum pronuba quassat
Junofaces, dulcesque jubet tentare triumphos
Sanguine constantes de quo tibi sermo : quid ergo
Ut voveam volupe est ? sed stat sententia Voti,
Scilicet ut Lectæ quando conjunctus Amicæ
Menstruus hic cesset sanguis : sic ludet in aulâ
Parvulus Æneas & filia dulcior illo.

*Ita Avunculo Populari, Amico in paucis dilecto de summis in
Medicina Honoribus gratulari voluit, debuit*

FRID. HEINRICH Jügerth.

BENE. FELICITER. FELICISSIME.

OMINA. OMNINO. OMNIA.

VIR. CLARISSIME.

D_N. JOHAN ADOLPH REINBOTH,

MEDICINÆ. CANDIDATE. DIGNISSIME.

AMICE. AMICISSIME.

AD. NOVOS. TVOS. JAM. JAM. ADIPISCENDOS.

DIRIGANTVR. HONORES.

DVM.

IN. SACRARIVM. TEMPLI, MVVIS. SACRATVM.

INDEFESSVS. MEDICINÆ. CVLTOR.

MEDICO. STIPATVS. SENATV.

ADDVCERIS.

VT.

DIGNO. CONDECORERIS. HONORE.

NAM.

CONDECORASTI. QVONIAM. VARIIS. MENTEM.

BONIS.

ET. DOCTRINA. DOCTA. VIRES.

VIRENT. VIRIDI. NVNC. TEMPORA. LAVRV.

AC.

CORONA

CORONA. CINGITVR. ERVDITE. ERVDITVM.
CAPVT.
QVIA.
TVÆ. VIRTVTIS. ET. INDVSTRIÆ. DIGNO.
DIGNARIS. PRÆMIO.
AC. MERITISSIME; NON. MINVS. ET. DIGNISSIME.
MEDICINÆ DOCTOR.
CREARIS.
HEM! FAVSTVM. TITVLVM. DVDVM.
PROMERITVM.
ID. QVOD.
LYCÆA. ET. ATHENÆA. CELEBERRIMA.
QVÆ. VISERE. FVIT. VOLVPE.
JENA. ET. ERFVRTVM. TESTABVNTVR.
TVAM. EXTOLLENTE. MEDICAM. SCIENTIAM.
HAVD. MODICAM.
CVNCTIS. ERGO. APPLAVDENTIBVS.
ET. EGO. APPLAVDO.
NEC. APPLAVDO. SOLVM. SED. INSIMVL. VOVEO.
VT. HONOR. ADIPISCENDVS. HONORE.
CVMVLETVR.
AC. IN. EO.
NON. DECREMENTA. SED. INCREMENTA. CAPIAS.
INSVPER. OPTO.
VT. IN. FELICITATE. PERPETVA. ANNOS.
PERPETVVS. CVNCTOS.
AC.
CVRSV. TEMPORVM. PROPITIO. PROPIVS. AD
COELVM. PROPERES.
VIVE. BENE. FLORE. FELICITER. VALE.
FELICISSIME.
IN. OMNIGENA. PROSPERITATE. FELICITATE.
NAM.
TVARVM. VIRTVTVM. DECORIBVS. NON.
DEERVNT. DECORA.
LICET. RARVM. SIT. CORRVPITO. HOC. SECVLO.
ASSEQVI. HONOREM. QVEM. MERERIS. ET.
MERERI. QUEM. ASSEQVERIS.
D 3 DIGNO.

DIGNO. ET. INDIGNO. ABLATIVUM.
ADSCISCENTE.
SPLENDEAT. SPLENDIDISSIME. DIVTISSIME.
SPLENDIDISSIMVM
REINBOTHIANVM. DECVS.
SIT. TIBI. NVMEN. PROPITIVM.
REDDAT. VOTA. AC. FATA. PROPITIA.
AC. HISCE.
FELICI. PROGRESSV. AD. MAJORA. PROGREDERE.
SCANDE. PERSISTE.
FELICITAS. FELICITATEM. NVTRIAT.
VT. OPTAS. VT. CENSES. OPTATO. EVENIANT.
OMNIA
AC.
IUVENTVTI. TVÆ. ORNATÆ. ORNATIOREM.
JVNGAS. SOCIAM.
LICEN. ENIM. OMNIA. TIBI. LÆTA. PRECER.
LÆTAS. TAMEN. INPRIMIS. TIBI. TÆDAS.
APPRECOR. VBI. PLVRIMI.
GAVDIVM. TECVM. SOLENNE. GAVDEBVNT.
ERGO.
VIVE. FLORE; VALE. FAVE.
FAVENTE. FATO. PARCENTE. PARCA. LONGÆVO.
FRVERE. ÆVO.
DENIQUE.
VOTVM. EX. VOTO. VT. PROCEDAT. VNICVM.
MEVM. EST. VOTVM.
NAM.
GRATVLOR. GRATVLATIONE. NON. INGRATA.
PRONO. ET. FLAGRANTI.
IN. TE. ANIMO.
IGITVR.
VOTVM. HOC. DE VOTO. CORDE. ACCIPE.
MAGIS. ANIMVM. QVAM. CALAMVM.
VACILLANTEM. ASPICE.
NEC. AMICITIAM. AMICE! AMBIENTI. ABNVE.
QVOD. ROGAT. SPERATQVE.
TVVS.
CASPAR. WENCKEBACH,
NORDA FRISIJS ORIENTALIS.

Quimultum possidet, beatum non voco,
Nomen beati rectius (mea quidem
Sententiâ) meretur is, qui præditus
Virtute; sed beatior is, Apollo quem
Virtusque Myrto donat; hic beatus est
Verè; potest habere juris in hoc nihil
Vel Cercyon, vel Cacus, & vitam licet
Ipsi dolone, fraxinove finiat:
Erit superstes; Namque Fama Nescia
Lethi solet quam sola Virtus parere;
Felix es, & Beatus, & Beatior
Artis Machaonis Decus Clarissime
REINBOTH, Galeni Candide Æmule; & tui
Natalis una spes soli; Cœlo tua
Virtus vehit te, Floribus tuum Caput
Vincitque ferto nobili nexo manu;
Ergò novâ Virtute macte, lucida
Ad Astra sic itur; DEVS te sospitet,
Seros in annos, plurimum quo sentiant
Per te salutis, membra quorum languent;
Precatur hoc, vovetque nominis tui
Amice Care, cultor omni tempore.

Hac debita Observantia & συγχαῖμα & ergò apponere voluit

T. P. O. S.

F I N I S.

